

斤
京
備
米

元
仲
野



新京備乘卷上

北平杜福堃靄篠編纂
長沙陳迺勳述廬輯述
儀徵陳延韓含光參校

城治 故城附

首都沿革

首都。在禹貢時爲揚州。春秋時代屬吳。有冶城。相傳爲吳王夫差冶鑄之地。今朝天宮。卽其遺址。及越。有長干城。周元王四年。越王勾踐用范蠡謀圖楚。築城於長干里。今南門外報恩寺。卽其舊址。在戰國時屬楚。置金陵邑。埋金以鎮王氣。周顯王三十六年。楚威王滅越。盡併其地。置金陵邑於石頭。今清涼山。龍蟠里。烏龍潭一帶。卽其遺址。及秦始皇二十五年滅楚。三十六年改名秣陵縣。隸屬鄣郡。卽諸葛亮所謂鍾山龍蟠。石城虎踞者是。今出南門六十里。有秣陵鎮。又名秣陵關。卽其遺址。爲南京南方之要地。此次國民革命軍攻南京時。亦由此路進攻。及漢滅秦。改丹陽郡。建安十三年。孫權領丹陽郡。還治建業。今秦淮河以南。自武定橋東。以迄東南城角內外。如今之復成橋一帶。卽其舊址。及孫吳黃龍元年。徙都城於建業。城在淮水北五里。前止秦淮。後帶玄武。今鼓樓鷄鳴寺一帶卽是。東晉元帝南渡。避愍帝

諱。改建業爲建康。武帝作新宮。別立東府西州二城。一在今古物保存所。一在清涼山一帶。洎乎東晉既亡。宋齊梁陳。相繼以此爲國都。及隋文帝開皇九年。遣韓擒虎等平陳。建康城邑。遂廢爲田。因於石頭置蔣州。旋又改爲丹陽郡。今清涼山一帶。卽其遺址。唐至德間。命名江甯。及武德三年。更江甯爲歸化。七年。復蔣州。八年。復名金陵。九年。更金陵曰白下。乾元二年。改爲昇州。五代楊吳之將徐溫領昇州。改築金陵府城。跨淮建城自此始。南唐改金陵府爲江甯府。以爲都城。宋滅南唐。復昇州。尋改爲江甯府。紹興三年。高宗南渡。駐蹕於此。元滅宋。至至元十二年。以建康府爲行省。改名集慶路。明太祖滅元。改集慶路爲應天府。旋下詔以應天府爲南京。大梁爲北京。清順治二年。清兵陷南京。改爲江甯府。府附郭轄江甯上元兩縣。中正街以北屬上元。南則屬江甯。民國元年。先總理在南京。就臨時大總統職。廢江甯府及元甯兩縣。設南京府。民國二年。南京府廢。設江甯縣。隸金陵道。民國十六年四月。國民革命軍北伐。渡江後。黨國要人本先總理遺囑。奠都南京。建國民政府於此。定爲首都。

上元江甯二縣沿革

金陵在六朝時。城中設秣陵建業二縣分治。又分秣陵爲臨江縣。又更臨江爲江甯縣。而江甯縣在江甯鎮。隋併爲江甯一縣。唐初改江甯縣爲歸化。又更歸化爲金陵。八年移江甯於白下村。

曰白下。嗣移白下縣於冶城東，復名江甯。至肅宗廢江甯爲上元。楊吳時析上元南十九鄉，當塗北二鄉，爲江甯縣。二縣附郭，實始於此。南唐改爲江甯府治。自是上元江寧二縣不廢。迄於清末，而江寧之名較古於上元也。民國初元廢首縣，改江寧府爲南京府，二年廢府設江寧縣。十六年南京建爲首都，設南京市，直隸國府，方議市縣分治，而江寧遷治於郭外之說，甚囂塵上矣。

上元江甯兩縣之遷徙歷史

上元署凡八徙。初在石頭城，今定淮清江二門間。次故冶村。三冶城東。在朝天宮東，本江寧署也。四白下城。在今鍾阜金川門間。五鳳台山。在今鳳皇台。六大司會府。在今通濟門內中正街東頭。七中正街昇平橋西。八明太祖丙申徙治淳化鎮。明年還舊治。清仍之。民初併入江寧，而以此署改爲貧兒院矣。

江寧署凡七徙。初曰秣陵。在今城東南六十里秣陵關。其次，泰康元年，分秣陵立臨江，在今江寧鎮。其三，唐之江寧。在今朝天宮東。上元二年以其地改爲上元縣其四，南唐保大二年，割上元十九鄉。

當塗二鄉，置江寧縣，始分治郭下而不詳其署址所在。其五，宋建炎二年，徙治城北，與今北

門橋近。有朱子書冰清玉潔圖其六，元至元十四年，改治南城外越城側。其七，明洪武元年始徙治銀作坊

，宋東南佳麗樓舊址，古賞心樓也，前清因之。

首都地理常識

(一)經緯度。首都位於東經一百一十八度四十六分三十三秒。北緯三十二度三分三十八秒。(二)地平綫地面平。均高出海面五五六三公尺(三)城牆圈城垣係多邊形周圍共長九十八里(四)全面積計四七七八四五方公里(五)江岸綫沿江長度計五二〇〇八尺(六)戶口數。民國十九年一月份調查計戶數一〇二八九五口數男三二四七〇六女二一四六三七。共計五三九三四三人。平均每方公里爲一千一百二十八人。據南京市政府報告。

金陵建都歷史

孫吳建都四世。共五十九年。始黃武元年庚子東晉十一世。一百〇三年。始元帝建武元年丁丑宋建都八世。共五十八年。始武帝永初二年戊午齊建都七世。共二十三年。始高帝建元元年己未梁建都四世。共五十五年。始武帝太平元年丙子陳建都五世。共三十三年。始武帝永元元年丁丑南唐建都三世。共三十九年。始李昇昇元元年乙亥以上金陵爲都。皆偏安也。南宋雖號金陵爲行都。其實高宗僅再駐蹕茲不列入至明太祖定鼎於茲。始稱一統在位三十一年。始洪武元年戊申建文在位四年。始元年壬午成祖在南京十八年。始元年戊辰以遷都告天下。清咸豐癸丑太平天國建都金陵十二年。始甲子民國肇興元年。即宣統三年辛亥就舊督署改國民臨時政府。十六年革命成功。即以南京爲首都。從事建設。爲共和萬萬年祝。

上元江甯兩縣鄉鎮

上元所轄之鄉。凡十有七。而四鎮即錯於其間。龍都鎮。爲泉鄉。秦城崗爲道德鄉。紅楊樹。

爲靜潔鄉。湖熟鎮。（有延齡湖變後隱此有湖熟種菜園）爲丹陽鄉。南北侯邨時莊爲清化鄉。淳化

鎮。（舊有廣惠廟俗所謂高廟也舊時石圖根有宋人李仲春題名）咸田宋墅爲鳳城鄉。高橋門爲儀政

鄉。滄波門爲興賢鄉。麒麟舖爲開林鄉。土山解溪上下蒲塘爲崇禮鄉。湯水爲神泉鄉。平家岡

東流西流等邨爲宣義鄉。石步鎮爲長林鄉。姚坊門爲清風鄉。神策庫周家山陽明塘爲慈仁鄉。

旗手衛臨山橋小復成橋爲金陵鄉。（舊有金城見前爲瑯琊郡時所種柳即此）仙鶴門爲北城鄉。此皆東

北附郭之地。統計積地二千三百四十一方里。合一萬八千頃云。

江寧鄉鎮。舊分四路。在東路有陳墟橋。爲太白新亭二鄉。有殷巷。爲隨車萬善二鄉。有秣陵

鎮。（秦舊縣）爲馴犢太南二鄉。有祿口鎮。爲葛仙鄉。有周干圩。爲永豐鄉。有砂子岡。爲鳳東鄉

。在中路有東善橋。亦太南鄉。有元山鎮。（陶貞白所生之地又有吳姓與陶姓世居於此故名）爲朱門處真二鄉

。有橫水橋。爲山北鄉。有小丹陽。爲山南鄉。在西南路有六塘橋。爲銅山鄉。有銅井牧龍亭

。亦處直鄉。有朱門鎮。亦朱門鄉。有江寧鎮爲惠化鄉。在西北路。有安德門爲安德鄉。有鳳

台門西善橋。（前明造琉璃瓦在西善橋一帶謂之琉璃窪）爲鳳西鄉。有盤龍廟板橋爲光澤鄉。有谷里村爲建業歸善二

鄉。其西南附郭地。有雙橋門之菜園務。爲開元鄉。有上新河沙洲鄉。合之爲二十二鄉。彼四

郊毗離之地。則不在此數。統計積地三千四百一十四方里。合一萬六千四百餘頃云

南京水陸諸路

金陵綰轂南北。控制江淮。由北而至者。其路三。陸從滁陽浦口截江而抵上河。一也。水從邗溝瓜洲溯江而抵龍潭。二也。從鑾江瓜埠溯江而抵龍江關。三也。由中原而至者。其路三。從壽陽濡須截江而抵采石。一也。從靈璧盱眙而抵烏江。二也。從皖之黃口截江而抵李陽河。三也。由上江而至者。其路三。陸從采石江寧鎮而抵板橋。一也。從姑孰小丹陽而抵金陵鎮。二也。水從荻港三山順流而抵大勝港。或徑抵上新河。三也。由下江而至者。其路五。陸從雲陽走句曲而抵淳化鎮。一也。京口起陸過龍潭而抵朝陽門。二也。舟至棲霞浦走花林而抵姚方門。三也。水從京口溯江而抵龍江關。四也。又陸從湖州廣德溧水而抵秣陵鎮。五也。

按清季江甯城守協。兼轄左右奇溧浦溧（溧陽兼防高溧句）瓜青七營。迺勦幼時隨侍先君。即聞此協。責任綦重。駐城雖有左右兩營。其防地不僅在江甯一城。所轄之奇兵浦口青山瓜州。當江北之水陸之衝。溧陽爲浙皖入蘇要道。知前人設備縝密。確有遠識。觀上所述水陸各路。與南京軍事上大有關係。故并錄之。以供參考。

南京城

金陵舊城。宋元因楊吳所築。跨秦淮南北。周迴二十里。南近聚寶山。明初建都。陞爲應天府。迺益擴而大之。東連鍾山。西據石頭。南阻長干。北帶後湖。內則皇城名內城。有門十三。

建於洪武二年八月九月惟南門水西旱西三門。因宋元之舊。更其名。曰聚寶。三山。石城。自舊東門

處。截濠爲城。沿淮水北開拓八里。增建南出門二。曰通濟。旁爲東水關秦曰正陽。一名自正

陽以東而北。建東出門。一曰朝陽。自鍾山之麓。由龍廣山圍繞而抵覆舟山。建北出門一。曰

太平。又西據覆舟山鷄鳴山。卽雞籠山緣湖水以北至直瀆山而西八里。建北出門二。曰神策。其間

武關以銅管引玄曰金川。西北括盧龍山於內。雉堞相向。建門二。曰鍾阜。曰儀鳳。儀鳳外濱

江潚。要津也。其西而迤南。建門二。曰定淮。曰清涼。卽清江遂與舊西二門接。石城門南有鐵

水所由以洩者。古之棚簾門也。西水關凡週九十六里。清初改應天府爲江甯府。因明外城爲府

城。惟閉清涼鍾阜定淮金川四門。而洪武三山等門無改。又因明舊皇城爲駐防城。僅於西一面

重造起太平門。沿舊皇城牆基至通濟門止。開二門以通出入。爲滿洲官兵屯駐之地。

按明季金川鍾阜儀鳳門塞。清初神策清涼門亦閉。順治間總兵梁化鳳開神策門蠲海寇。因改名得勝門。同時他將開

儀鳳門出。迄今二門開。金川鍾阜清涼仍塞。定淮門。道光中塞。光緒末端硯齋制府建甯省鐵路軌綫。由下關貫金

川門。直達中正街。故金川復開。

又案各門今改名者。聚寶門今中華門。正陽門今光華門。朝陽門今中山門。神策門今和平門。儀鳳門今

興中門。洪武門今光華門。光緒末年所開之豐潤門。今改爲玄武門。民初所開之海陵門。今改爲挹江門

明皇城

明太祖定都金陵。命劉基卜地於鍾山之陽。在舊城東白下門二里。填前湖而築爲新城。前湖卽

一名燕雀湖梁昭明太子遺跡也今既填塞猶留一泓于城外

周以紫禁城正南曰洪武門

今地以正轉而向東者曰長安左門。再北

曰東華門。向西者曰長安右門。再北曰西華門。

東西二華門即紫金城門也

正北曰北安門。俗稱厚載門。此

外圍之六門也。宮門向南第一重門。曰承天門。內東太廟。西社稷壇。二重曰端門。端門北有

左右闕門。古曰象魏。三重曰午門。午門以內爲大內。由魏闕中分而東西者。曰左掖門。右掖

門。轉而向東者。曰東安門。向西者曰西安門。正北曰玄武門。此內圍之六門也。午門內御河

支流爲金水河。石橋五。俗稱內五龍橋。午門外御河。跨河亦石橋五。曰青龍。曰白虎。曰金

闕。曰烏蠻。曰柏川。爲外五龍橋。其在東長安門外者。曰青龍橋。在西長安門者。曰白虎橋

。以象天津之橫貫焉。清兵南下。命將軍率八旗兵駐防於此。順治十六年。築滿城於青溪之東

。起太平門沿舊皇城址。至通濟門止。開二門以通出入。爲八旗駐防兵屯紮之地。是爲駐防城

。粵亂焚燬。殆盡。廢爲菜園。辛亥光復。又罹於危。旗人星散。城郭爲墟。城垣磚甃。拍賣

盜取。狼籍不堪。所存者。惟五朝門西華二處城閣而已。

西華門。疑清順治十六年重造沿舊名之。非舊門也。

按荷香館瑣言。曰皇城磚。皆有銘匠某。體磚人夫某。總甲某。甲首某。小甲某。及某府提調通判某。某縣提調縣丞某等陽文。其字有甚工者。蓋明初各省派官監造者。可見工程之鉅矣。

都門外郭

都門既建。環以外郭。西北則據山帶江。東南則阻山控野。闕十有八門。東面六。曰姚坊。

今堯化

曰仙鶴。曰麒麟。曰滄波。曰高橋。曰雙橋。南面六。曰上方。曰夾岡。曰鳳台。曰馴象。曰大安德。曰小安德。西面二。曰石城關。曰江東。北面四。曰外金川。曰佛寧。曰上元。曰觀音。明太祖實錄洪武二十三年四月置京師郭十五門無石城關外金川周一百八十里。僅立標識。而未及起築。即遷于北。至今岡阜絡繹。俗呼爲土城頭云。

聚寶門

聚寶門。城極高。凡二層。各有七洞。與東西水關相埒。明初富民沈萬三家有古盆。貯以金寶。取之無盡藏。相傳爲聚寶盆。後因南門城垣傾圮。屢修不舉。太祖借此盆爲城脚以鎮之。始曰五更即還。故一名聚寶門。而俗遂傳有南京不打五更之說。官廳照壁後有磚塔。上覆以小亭。相傳爲壅聚寶盆處。又一說。南京地方。以城南極繁盛。所有柴米。均躉聚南門外交易。故有聚寶之名。是否待考。

漢西門

金陵石城門。府志舊稱大西門。俗稱漢西門。初疑其對水西門言。因作旱西。既而考南唐宮城遺址。內橋本名天津橋。其水自東而西。穿鐵櫃而出。如雲漢。然謂爲漢不誤也。

豐潤門 海陵門 武定門

清宣統元年。江督端方齋。就城北建公園。乃籌辦勸業場。特闢是門。以通後湖。人咸便之。

此門關於甸齋。成於張人駿。張豐潤人。故以豐潤命名。今改名玄武門。民國紀元二年。韓止叟任民政長。就儀鳳門西偏。復闢一門。韓泰州人。海陵故故名海陵門。今改名挹江門。十八年市政府以南門行旅輻輳。就武定橋迤東城垣。特闢一門。因名武定門。

案明內城十三門。合續關之豐潤海陵武定三門。共十六門。內除鍾阜定淮清涼三門仍塞。今開者仍爲十三門。

故城

越城

金陵之有城。自越城始。建康志。宮苑記。周元王四年。越相范蠡築。一名范蠡城。郡國志云。東甌越王所立。六朝事蹟圖經云。在秣陵縣。長千里。今聚寶門外江甯縣丞署後。卽其遺址。俗呼爲越臺。六朝交兵在南者。每據此爲要地。南史盧循率衆軍修治越城。

石頭城

在舊上元縣西。石頭山。卽清涼山。清涼山。亦名石首城。今建康志。江乘地記云。山上有城。又名石城山。武侯謂石城虎踞。卽此。又宮苑記云。楚威王滅越。置金陵邑。卽石頭城。丹陽記。石頭城。吳時悉土塢。晉義熙初。始加磚累甃。因山爲城。因江爲池。地形險固。蓋江臨城下。自六朝以來。倚爲重鎮。南北戰伐。咸據此爲勝負。自江漸西徙。而城基又爲楊吳稍遷近南。於是

山爲城隱。無復虎踞之雄矣。

臺城

江甯府志。臺城本吳後苑城。卽晉建康宮城。成帝咸和。中修繕周八里。宋齊梁陳皆因爲宮。與鷄鳴山相接。

城北倚山岡。岡外爲苑。苑外爲湖。今北極閣鷄鳴寺正其北城所屆。故鷄鳴寺東。猶存一段。

古城。城下向東有門塞。俗曰臺城門。此遺跡可證者。劉宋城門。蓋卽萬春門之故跡。明初開

拓城基之。因舊址而成之。

據同治上江西南縣志案臺城之址。今頗難考。通鑑隨伐陳。賀若弼進至樂游苑。燒北掖門。臺城北門名也。據此則樂游苑在城外可知。寰宇記謂臺城在覆舟山南。則臺城當更向南。其不得北據鷄籠可知。雞鳴寺後之城。乃是明擴城時所遺。俗呼曰臺城。觀此則臺城基址。似又難確定其所在矣。

冶城

在舊上元石城門內。世說注引丹陽記曰。丹陽冶城。去宮三里。吳時鼓鑄之所。或云。今朝天宮卽其遺址。

呂府志。按六朝每有寇攻。但云守石頭城。石頭冶城。始或有分。而修築石頭者。卒包冶城於其內。又據同治上江志。方士戴洋以王導疾久。云金火相鍊不利。遂移冶城於石頭東。燭體山。以其地爲西園。愚按世說注載丹陽記曰。孫權築冶城。爲鼓鑄之所。又據上江志所引冶城東移之說。是冶城明爲冶官所治之一區域。因以城名。意其始本非都城。府志所言與石城始分終合。未免苦爲分明耳。

白下城

卽後瑯琊城。齊書地志。瑯琊本治金城。卽前瑯琊城。永明移治白下。今舊上元縣西北神策門外之石

灰山。俗曰北固山。其實古白石也。亦云白下。當是其地。輿地志云。白下本江乘之白石壘。齊武帝以其依帶江山

·移瑯琊郡居之。六朝以來。屢爲戰爭之地。晉蘇峻傳。溫嶠既至。乃築壘於白石。又庾亮云。以二千人守白石壘。齊武紀。永明七年。駕幸

鄧邪城講武。卽劉係宗傳所修治之白下城。故曰爲國家得此一城。又白下門。卽白下亭。城之東門。白下亭卽在東門。參寥訪荆公詩云。白下門西山迤邐。荆公詩。東門。白下亭。

虎口城

城在中新河。上新河之北。方輿紀要。俗稱曰新河。明初陳友諒趣江東橋。江東門外。舟師欲出新河口路

·太祖命趙得勝築虎口城。

天保一作堡城 地保城

在鍾山西峯龍廣山。俗呼龍膊子。洪楊據金陵。築堅壘於鍾山。謂爲天保城。又於迤西北山陰築地保

城。同治三年六月十五日。官軍龍膊子地道告成。十六日自中引火。地保城崩陷二十餘丈。統

領朱洪章率部首先從缺口衝入。遂克復金陵。民國辛癸兩役。南北軍咸據此爲勝負。蓋爲近代

劇戰之要衝云。

山水

鍾山

山在朝陽門外。周迴六十里。高一百五十八丈。東連青龍山。西接青溪。南有鍾浦。下入秦淮。北接雉亭山。諸葛武侯所云鍾山龍蟠者是也。古名金陵山。吳大帝祖諱鍾。以漢秣陵尉蔣子文死事於此。改名蔣山。晉又名紫金山。明嘉靖中詔改爲神烈山。則孝陵在焉。雙峰蔚起。上詣青冥。誠郡邑之鎮也。位於孝陵靈谷寺之間者。則有總理陵墓。詳後。山椒有紀念碑。爲浙籍民軍。辛亥陣亡而立。

龍廣山

鍾山西北麓曰龍尾。明築太平門。城跨其上。半在城闌以內。歷代戰爭之所也。今名龍廣山。同治三年六月。曾忠襄公國荃用地道轟城。蟻附齊上。俗呼爲龍膊子者是也。民國辛亥癸丑兩役。龍尾坡攻擊所萃。被災尤劇。

覆舟山

由鍾山麓入城而右。曰覆舟山。在太平門內。周三里。高三十一丈。東際青溪。北臨眞武湖。狀如覆舟。因名。宋元嘉中名元武山。陳大建中。亦名龍舟山。山與鍾山。形斷脈連。山東麓名東陵。並爲要隘。

鷄籠山

在覆舟山西二百餘步。周十里。高三十丈。西接落星岡。北臨栖元塘。狀如鷄籠。因名。宋元嘉中黑龍屢見玄武湖。此山正臨湖上。改曰龍山。齊武帝射雉鍾山。至此聞鷄鳴。故亦稱鷄鳴埭。元至正元年。山椒築觀象臺。置儀表。明改爲欽天。儀器今在北京中央觀象臺。山上舊有涵虛閣。望湖亭。山半有橫岫閣。俱久圯。清光緒戊子。江甯藩司奉新許公振禕重建以復舊蹟。山多石骨。道光中陶文毅公澍種松萬株。蒼翠彌望。今無復存矣。

獅子山 舊名盧龍山

鷄籠山迤西。爲盧龍山。在儀鳳門內。周十二里。高三十六丈。東有水下注平陸。西臨大江。晉元帝初渡江。此北盡爲虜寇所有。以其山連石頭。開鑿爲岡。以比北地盧龍。故名。明初改名獅子山。單椒孤立。石磴盤旋。太祖曾於此親樹旌麾。大破陳友諒於山下。又嘗欲於山巔建閱江樓。宋濂奉敕撰記。然按太祖所製閱江樓記序。樓實不果作。其平砥殆故址耶。光緒初籌辦江防。就山椒築砲壘。遂成要塞焉。

直瀆山

在觀音門外城北三十五里。周二十五里。高十七丈。北濱大江。西引幕府。東連臨沂衡陽諸山。形如繡錯。懸崖削壁。洪濤駭浪。摧擊其下。誠天險也。有吳甘甯墓。孫皓鑿其後爲直瀆。山因以名。或曰岩山。俗稱觀音山。以門名。東北一石曰燕子磯。詳名山多石洞。極奇詭。天

圍山中。江轉石底。稱異境焉。

幕府山

在神策門外。周三十里。高七十丈。晉丞相王導建幕府於此。因名。山濱江。爲建業門戶。上有幕府寺。前有五馬渡。晉元帝與彭城王渡江處。所謂五馬渡江。一馬化龍者也。山有五峯。其相連有石灰山。俗曰北固山。訛爲白骨山。其實古白石也。亦曰白下。齊武帝以其依山帶江。移瑯琊郡治馬。六朝以來。屢爲戰爭之地。今之要塞也。

攝山

在江甯東北長甯鄉。周四十里。高一百三十二丈。南接落星山。北有水注江乘入攝湖。山多產藥草。能攝生。故名。以形團如蓋。舊名繖山。其麓有棲霞寺。俗又名棲霞山。山有三峰。中屹立。東西拱抱。乾隆三十二年。高宗重幸。大吏在中峰之左恭建行宮。以駐清蹕。有春雨山房。太古堂。武夷一曲精廬。話山亭。有凌雲意。白下卷阿。夕佳樓。石梁精舍諸勝。下有攝湖。周迴二十里。其東巖之下有畫石山。山有石穴曰花洞。相傳與句容華陽通。

方山

在江甯東南四十五里。周二十七里。高一百一十六丈。形如方印。故名。亦名天印山。旁有東霞寺。石林青翠。杳然深沈。是山之佳勝處。山南有青堆。下有石壩。俗曰石碓。一名竹山。

輿地志。秦始皇時。望氣者云。江東有天子氣。乃東遊以厭之。又鑿金陵以斷其勢。今方山石碓。是其斷之處。淮水之流。經其下焉。

案建康志稱。盧龍山與馬鞍山相接。氣勢雄包。自秦鑿爲二。至今溝內石骨連焉。是則經秦始皇鑿分者。蓋有二山矣。

牛首山

山又名牛頭。在江甯城南三十里。雙峰角立。取其形似。周四十七里。高一千四百餘尺。海拔約四千三百八十尺。全山面積約二十方里有奇。僧法顯於此開牛頭宗。佛書所稱江表牛頭是也。山有雙峰。正對晉宣陽門。王導指曰。此天闕也。故又名天闕山。風景清幽。路徑深邃。山上有宏覺寺。入門爲金剛殿。殿後有石磴百級。曰白雲梯。夾磴古松千百。千雲蔽日。最稱幽勝。此外又有文殊洞。辟支洞。兜律岩諸古蹟。又山頂有池。四時不涸。相傳卽梁昭明太子飲馬池也。山西峯中有石窟。不測深淺。梁武帝於下建石窟寺。世又謂仙窟山。

三山

待徵錄。三山有四。上三山在江甯鎮西。李供奉詩屬此。下三山。在鎮東。王安石詩屬此。上三山在烈山東岸。一曰仙人磯。下三山一名護國山。下有磯曰三山磯。周迴四里。吳津濟道也。大江西來。勢如建瓴。三峰鼎峙。積石森鬱。誠天險也。又牛首祖堂花巖。亦名三山。而朱門之男山女山姑山。亦擅斯名焉。